

عزيات

أضحك بمرارة وأكش

أكش ..

صاحبي الفلاح ...

بياخذني ف حجرة يديني

ويغطيني

ويطبطب على شعري بايده المشقوفة بحنية

اصل الافندي لا مؤاخذة

اصل الافندي ..

خواف !!

مراجيح العيد .. !!

مرجيحة يوم العيد الجاي

لازي بقية المراجيح

ولا حتى عشان الأطفال !!

مرجيحة يوم العيد الجاي ..

عزيات

معمولة لمين .. يا اولاد ؟

معمولة لمين ؟

معمولة لأدهم أيامه ..

للسبع يمرجح جسمه الفاير فوقها ..

.. يشيله الريح.. ويحطه الريح.

زينة شبانك يا مصر

يتمرجح فوق مشنقة التراك!!

مقفول يا أوسع شباك

مقفول يا أضيق شباك

متفندق يادي الباب الواسع

عريان يادي الشارع..

عريان.. في هبوب الريح المسعورة

عريان يا جسم "طومان"

عرياة " يانور كلدي" يا كبدي

عزيات

ما الجدر انهار

واهو لسه صغار

عريانة "يا شهد الدار"

عريانة يا مصر

ما هو زينة فرسانك.. عرسانك

يمرجح جسمه المقتول في العيد..

على حبل الترك

يومها ..

العصر أول من ديل الليل

يومها..

عصر المماليك الأسود طال ..

والظلم يا مصر يا حلوة كان ..

بيمص حبيبك..

وحبيبك..

عزيات

كان فين يومها !؟

وحبيبك ..

كان بيقطع روحه فدا عينيك

ما هو أصل عينيك يا عروسة يا حلوة

كانت مليانة دموع ...

ما هو اصل عينيك ..

كان الظلم قافلها

والظلمة أسود من ليل الإتاوات ..

وخليفتك ..

عيل ..

بيهلل ..

قدام الأوليا ..

والأولياء

كانوا يومينها ولايا

كانوا بيتدار واجوه الملائات

عزيات

ويقولوا يا رب

والراجل منهم كان يرقع ..

من خلف البرقع ..

بالصوت..

نبوت المملوك الحامي ..

سم بيجري في قناية ضهره الغلبان

كل ضهور ناسك..

كانت غلبانة يا مصر !!

ملعونة الإمارات

ملعونة الإتاوات

ملعونة قصور السلاطين في القلعة

ملعونة يا قلعة طول البنية ما قلعة

التوب الأخضر قدام النبوت

ملعونة يا كل النياشين المملوكة

عزيات

ملعون طومان ..

إن جيت سلطان..

لكن مملوك

ياكل جواعي كفور البر أنا منكم

ياكل عرايا الجلد ف مصر أنا منكم

يا جيل القهر..

وراي يا رجالة مصر..

.. نهد جبال القهر..

وجبا القهر كثير

اكثر م الهم اللابد خفافيش

بتمص النور في عيونكم

ممالكك..

وجواري..

وروم..

وسموم..

عزيات

ومظالم..

و (سليم)..

و(سليم خان العثماني) خان

طمعان فيك يا تمر الحنة ..

طمعان فيك يا مصر ياجنة

يا خلق البر المصري أنا جيت

يا خلق البر المصري أنا جيت

إن كان الكفر يصحبكم م النوم

.. أنا كافر ..

إن كان الكفر يصحيكم م النوم

.. أنا كافر..

قاموا النايمين م النوم

لكن من هذا ال يوم

وانت يا مصر يا صاحبة

بتعدي ..

عزيات

بتعدي على جسم السبع المتعلق

.. ع الباب!!

سيريا ليزم

المنظر ده

آخر لوحة سيريا ليزم

آخر تفانين اللامعقول

اسمع يا بني

أحسن لك ..

تخرج من هذا الجب

تطفش م الحرب هنا .. وتهاجر

بس اوعي تغادر مصر

هاجر على أول موجة حر تودي البر الشرقي

وهناك ..

راح تعرف مين هو عدوك بالضبط

والهدف اللي انت رايع له واحد بس

عزيات

- إن عشت النصر !

- وإن مت النصر !

واكمني هنا ف آخر اللوحة

تحت الدبوس ال مش باين في القاعدة

اكمني هنا ..

بيقولوا من غير تفكير أكبر بكاش

واكمني هنا ف آخر اللوحة

تحت الدبوس ال مش باين في القاعدة

بيقولوا من غير ما يخوضوا معاي تجارب:

بكره يبقي حرامي

واكمني هنا .. الخلق ما بتصدقش كلامي!!

- أصل الكلمة العامية الطالعة من بق غبي

لبست مليون نضارة ف بق الجهل

.. شافت ..

قالوا جميع العميان: صح

عزيات

كان ظني واحد .. واحد منهم ينطق:

" لأ " ..

لكن يا خسارة صحابي

.. قصدي اللي كانوا صحابي..

نسبوا طعم اللا

واتلقيت في الجب

ما تلقاني واحد منهم

وقعت كل كرامتي ف بير جراثيم النطق

لكن وبرغم إن م الصعب طلوعي م الحفرة

مش واضح إني راح اموت مخنوق بالحسرة

دا لأنني قبل ما أقع..

متطعم جدا

متطعم جدا ضد الكوليرا..

اسمع يا ابني

لو تفضل طول العمر كده

عزيمات

لابس نضارة الخوف

لا هترف داخلك من خارجك

ولا تعرف صاحبك بين الخائنين

ولا مين هم عدوينك من إخوانك

حتى إن كنت مصاحب صاحب واحد بس

اسمع يا ابني

أحسن لك

شفلك حرفة يا شخص

فك زيوتك واطلع بره

غير ألوانك وارسم روحك تاني

خللي عينيك الواسعة بعرض الصورة

خللي ودانك تسمع حتى دبيب النمل

واعمل راسك بإيديك أكبر م العالم

أكبر من كل العالم

عزيات

اسمع يا ابني

أحسن لك

تخرج من هذا الجب

وتحب العيشة هناك

واحلف لك

على ضي النار هتميز بين الألوان

هتشوف الأبيض هو

والإسود هو

وهتعرف فين السكة الصح

وفين السكة الهوة ؟

وتعدي

لكن يا ابني هنا

لو تفضل طول عمرك تغطس وتقب

لو تغطس وتقب

عينك ما شوف الضي

عزيات

راح تنسي زيي تميز بين الألوان

ولا تعرف الأبيض م الباهت حبة

.. م الباهت خالص

اوعي تصدق

نظرم ما هش شيش بيش

ولا أهلك حريفة شرب حشيش

أصل اللوحة آخر موجة سيرياليزم

بتقول ايه ؟

مش فاهم حاجة

تبقي لا مؤاخذة .. ما يهمش

طب حاول وانت هتفهم

شايف ...

الاسود طافح على وش اللوحة

طافح خالص

عزيات

الاسود بيقزقز لب جميع الألوان

شاي ف ..

الاخضر حالف ينظر دم

فتح عينك تاكل ملبن

الأزرق بعدما كان في البدء بلون النيل

اتنيل في الآخر خالص

خد لون الهم ..

الاحمر طرطور على راس عصفور مجروح

خوفي ليطير ويسيب الجرج يصير ..

بؤرة تشع الموت في البقعة اصفرا ..

أصل الاسود .. يا ولداه ..

.. طافح خالص !!

أحسن لك يا ابني

تبحث عني

عزيات

أيوه هناك

تحت الدبوس !! مش باين في القاعدة

أيوه كده ..

هاجي معاك ونهج ،

قصدي نهاجر

ونسافر

على أول موجة حر تودي البر الشرقي

هنسدد خناجر ف قلب عدو الصبح

.. الواحد

وأنا وانت يا صاحبي

أنا وانت

عارفين ديتنا

عارفين ديتنا

عارفين ديتنا!!!

ثرثرة بغل في الأبريق

عزيات

أنتم وأنا ..

ورغم الحزن متقابلين

ومهما قطر الفرقة غاب

ومهما شعر الحب شاب

أنتم وأنا ..

وحزننا

وفرحنا

وكلنا

واحد !!..

وف بطن الشمس هاقتفد

وهامص النور والنار

وف جبل العتمة أتمدد

وازرع شتل الصبار

واشرب من برك يا أمه

... حقوقي الضايعة

عزيات

ما انت فطمتيني وانا لسه جنين

شايفاني يا غالبية ازاي!؟

شايفاني إزاي!؟

رغم السن وطول الشارب

شارب لبن الغربة حزين

مش باين حتى ضلوعي الخرعة

.. حتى الكلمة الطالعة..

بتخرج للعالم طين

محتاج يا امة لخصب الروح

لحنانك .. محتاجك ..

هاشرك من برك يا أمه

غصب عنك .. كل حقوقي الضايعة!!

إوعي ..

ألاقي عكازي بيسندني

عزيات

إوعي..

تسيبه من إيدك لتعجز يا ابني

عكازي شاب وانحني

وضهري زيه انتتي

إنما...!!

يا حلم يومانني بالصبا!!

الو مرة هامشي في الطرق وحدي هاقع

أقع وأمشي بلا عكاز

امشي ولو محني !!

امشي هتلمحني

هاجي لك وانا محني

وتشد ضهرك على ضهري

من ضهر أبوك أنا جيت

من ضهر أبوي جيت

وهضر ابونا فولاذ

عزيات

يا أخ..

يا عكاز !!

يا عروستي يا حلوه

ما تتقلّيش يا بت

ما تطلّعيش السما..

دا امك عزيزه يا بت

لو فتى أهلك وفتيني وأنا ولفك

لا هناك هتبقى بنت

ولا يوم نقول (ياست)

وتخشي في عبي عروسة

وف قلبي تدفي البوسة

ونقول للصبح كلام

وكلام ما تقالّش لحد

ونقول من غير تزويق

عزيات

ونغير معنى حروف الشعر

ونعد ..

ونعد بدون أرقام

ما هو ساعة الجد يا حلوة

ما هو ساعة الجد..

ما فيش كلام !

شرفي وعاري انت

ياأمانة في رقبتني

شايلك وانا مرتاح

مصحف على قلبي

لو رحتبييت النبي ..

أو يوم طلعت النجوم

- ضلك أنا في الأرض -

مهما أنا لقيت

ومهما رحت وجيت

عزيات

دمك في أرضي قناية

بيروي في البور

ولو في يوم عديت

شرقت ما رجعتش

غربت ما رجعتش

ما أقدرتش أعيش بهواي

ما أقدرش أفلص يا أبوي

وازاي ودمك في قلبي

وازاي وروحك معاي

ولو نسيت يوم..

دا غضب عني البعد

ولو رجعت ف يوم

دا غضب برضه المجي !!

درا ما أيوب العصري

رباب ..

عزيات

وف ریح جبالک یا عریش

نام الجریح عشر سنوات

ویا ریته قام م النوم

ویا ریته مات !

اجتزاز ..

نام الجریح؟! .. أنا قلت نام !؟

وازای تمام یا جریح وانت بلا خلان؟

وازای تمام یا مبتلي بالسهر ..

والدوده داءك عمرها ما تمام؟

الدودة اللي مولودة النهاردة جوه لحمك ..

بتولد كل ثانية جیوش

یا مین صاحبی المبتلي زي ..

یا مین یحوش !؟

عمال علی بطلال یا جیش الغدر تنهش فیہ